



戸部



戶部

祿廩

職田



官員職田依卿原例分收至治二年抄到江南省延祐二
年三月 日准 中書省咨戶部呈奉中書省判送本部
元呈奉省判御史臺呈據葉宗禮告係江西道袁州路方
載縣人戶告為職事事得此照得中書左三部奉中書省
劄付近將隨路州府司縣官員斟酌定到俸鈔外據職田
合依舊例標撥奏奉

聖旨准欽此省府今比附舊例約量定到各路州府司縣官員

職田頃畝除斷沒地營盤草地外仰於本處係官并戶絕地及冒占荒閑地內依數標撥召募培牛院客種佃依鄉原例分收於內若有荒地於近上有牛力民戶內斟酌時暫借倩牛力^限二年年內逐旋耕墾作熟依上召人種佃已後各官相訟交割取明白公文申部仰照驗行下各路總管府依上施行才候撥定各頃畝條段卓望四至備細造冊申部類攢呈省毋致因而多余開要違錯奉此省部合下仰照驗速為照依前頃所奉中書省劄付處分事理施行才候撥定照依連去體式備細造冊一本申部毋致因而多余開要違錯今據見告本臺看詳外任官員職田

元行既許召募佃客依鄉原例分收今葉宗禮見告袁州路官却行多勒鈔事屬不應宜從都省移咨行省下合屬屬依例分收嚴加禁止今後不許仍前椿配多勒鈔定庶免百姓生受具呈照詳批奉都堂鈞旨送戶部照擬連呈奉此照得葉宗禮所告袁州路官員職田至元十四年起徵稅糧之時亡宋俱有文簿將屯田營田職田一體科徵及以鄉原斛斗較量每米一石准官斛四斗^每四升^每田一畝比附鄉原舊額增指登荅科徵鄉原六斗准收官斛二斗四升比之民田每畝三升尤慮太重得蒙從優每畝徵納糙米二斗二升至元二十三年標撥職田赴各官私衙送

納子粒稱是佃戶每畝勒要白米六斗比之官收子粒多
要訖三斗八升每斗又加斗面米三升五合鼠耗米三升
五合仍復堆垛斗面高量一畝納一石之上至元三十一
年家上司將職田照依官租項下登荅作數每畝二斗外
加耗米出給田帖付各戶赴官倉送納元貞元年各官視
為已業申覆上司復回職田赴各官衙門交納每畝依前
勒要納米六斗連斗面鼠耗米共折鈔三十六兩本部議
得合依御史臺所擬嚴加禁止不許佃前椿配多勒鈔定
庶免百姓生受據外任官員職田擬合照依鄉原舊例改
正分收今後毋得佃前椿配人戶多余取要宜從都省禮

副御史臺及咨江西行省依上施行相應具呈照詳批奉
都堂鈞旨送戶部再行照擬連呈奉此照得葉宗禮告狀
內所指羅安定等節次赴省臺呈告袁州路官員職田為
此行據省架閣庫呈連到文卷一宗該羅安定狀告江西
袁州路萬載縣人氏於至元二十四年蒙上司將民間職
佃所田分撥各官衙每一畝勒要送納上等白米六斗各
官令梯已提控搃領人等將濶面軍斗高量加倍仍要水
脚稻藁等錢不容分訴使民不獲已而變賣家產子納其
司縣逐年預先差祇候人等除要鷄酒外要勾追鈔兩多
者十兩少者五兩以致所佃職田民戶多有逃亡及親隣

主首社長人等官司勒要閉納以致下民流散拋下田土無人耕種官司全不體察下民枉受虐害俱各不得相安矣緣民戶所佃職田係亡宋不堪耕種田土比及歸內以來所納米石加增數倍為此生受有一般佃職田民戶楊天祐等已經累告行省不蒙明降乞詳狀事都省照得近據御史臺呈監察御史條陳事內一件隨路按察司並管民官員合得公田常例自行召募佃客所收子粒照依體例分張或自行種佃在後各處官司徃徃不依舊例却將公田椿配百姓自願每年驗須畝比之常例多行取索租課虧損下民搔擾不安今後莫若革去此弊深為便益送

戶部照得各路官員公田擬合照依舊例召募有牛之家作佃客耕種依鄉原例分收子粒毋得椿配百姓已於至治二十八年五月二十七日邊行各省依上施行去訖今據見告毋令百姓包納搔擾違錯十二月二十三日移咨江西行省依已行事理施行去訖今奉前因本部葉得葉宗禮所告袁州路官員職田不依舊例收租每畝勒要米六斗又行加量斗面及折收鈔兩事屬不應以此叅詳合依御史臺所擬今後照依鄉原舊例改正分收不許似前椿配多余取要庶免百姓生受宜從都省移咨江西行省嚴行禁止相應得此咨請依上施行

俸鈔

官吏罰俸定例至治二年抄到江南行臺延祐五年九月日准御史臺咨奉中書省劄付江浙省咨福建宣慰司呈近奉江浙行省劄付該准都省咨刑部呈河間路申巡檢劉國安宣閑魏道被劫三限不獲賊徒當職罰訖兩月贖罪俸錢中統鈔式定照得各處有公田巡尉人員罰俸一月止罰中統鈔十兩當職全無公田政支至元鈔數罰俸一月該中統鈔五十兩實為偏員看詳各處巡尉人員有公田者月支中統鈔巡檢一十兩縣尉一十二兩鈔擬合照依省公田官員罰月俸中統鈔巡檢一十兩縣

尉一十二兩然此未有定例乞照詳事得此叅詳諸衙門官吏有職田者月支中統鈔兩因無職田祿米改支至元鈔數較之職米價錢月俸爭多數倍其罪輕應罰俸錢中間有公田人員止罰中統鈔數無職田官吏却罰至元鈔兩事涉偏負若依巡尉人員一體追罰事干通例送刑部議得內外有司官吏有公田者依舊支請中統俸鈔無者閔支至元鈔兩所犯公罪輕重不同今後除應的決者依例斷遣其餘輕罪臨時斟酌以中統為則罰俸相應具呈照詳都省准擬仰依上施行

鈔法
倒鈔

斷例一十七二十七三十七四十七六十七七十七八十七九十七一百七
徒二年通同

鈔庫知事 提調 攢 庫使 庫副 描寫 知情 同情 指 收接

接倒 司吏 干 官州 典 任 降 任 降 人 昏 鈔 收買 收接 補 假偽

假偽 連 尹 二 等 二 等 接攬 假偽 假偽 裨 等鈔

指補 依舊 人 解任 革 庫子 庫子 叙用 假偽 收接 倒換 轉 倒換

依舊 人 別仕 去 革 庫子 庫子 叙用 假偽 收接 倒換 轉 倒換

罪名勾當 去 去 革 指 錢 鈔 人 兩 人

接倒假偽指補昏鈔罪名中書省延祐五年七月十六日

奏准節該去年曹州倒鈔庫裏秋間倒換來的三千定昏鈔

上頭省台差人交燒毀呵那鈔內檢開出一千三百一十二定有餘摺補挑剔假偽等鈔來有俺差人交就那裏問去呵那庫裏行的一個任義名字的合干人它和別個人通同着與了自己的好鈔轉買將摺補挑摺假偽鈔來却入官庫內倒換出鈔本去了有又江南來的蠻子並諸人每似只般將的假偽鈔來和他通同着也倒換出鈔本去了有於那倒換出來的錢內他要了二千二百五十貫至元鈔入已了麼道明白與了招狀文書有交刑部定擬呵只任義各字的人所犯即係盜所守官錢合處死有省裏差官與本道廉訪司官一同審復元免呵處死其合干

碍的三十九個人內杖罪的徒年的各二罪名都定擬了似只般及鈔多了的上頭將鈔法的勾當好生滋滯了有依着他每定擬將來的行呵怎生奏呵那般者麼道

聖旨了也欽此都省差官欽依處斷外今將各二犯人並官吏人等已斷罪名開咨請禁約施行

處死通全收接假偽等鈔例換合干人任義

一百七下徒一年摺補裨輦鈔兩陳念七等四名

一百七下同情收接假偽例換合干人王用

九十七下知情收買假偽鈔胡牛兒等九名 收接假

偽鈔除得典三名

八十七下描寫昏鈔賈三兒等二名 接攬假偽鈔牛
三等五名 恐嚇指錢張旺等四名

七十七下解見任降先職二等叙用庫副元林荅固真
革去庫子張晞

六十七下解見任降先職一等別行求仕庫使李貞
革去庫子李思恭

四十七下革去攢典孫敬祖

三十七下解見任別行求仕提調官州尹趙仲禮

二十七下干連人趙濟氏

一十七下依舊勾當 知事鄭居敬 司吏曹瑀 梁賢

提調鈔法延祐五年三月 日江西行省准 中書省盜

監燒延祐四年秋季昏鈔官呈於曹州合燒昏鈔內檢開

出接補描寫假偽等鈔廣平路開出接補挑剔不堪等鈔

庫子劉琮狀招為不識昏鈔憑本庫楊大使說合作保雇

覓見役合于人李士信辨驗致今李士信接到不堪等鈔

得此檢會到至元新格內一欵節該諸門用庫凡遇諸人

以昏鈔易換料鈔云云欵此已經邊行各處欵依施行去

說今據前因都省議得各處設立行用庫專以倒換昏鈔

委官提調務要鈔法通行今曹州等處接倒挑剔裨湊等

鈔蓋是提調人員不以鈔法為重失於檢校人不關防因

循苟且以致庫官庫子人等通同作弊若不遵行曉諭切
恐其餘去處仍此奉行不至枉遭刑憲除外咨調行下合
屬欽依施行仍嚴責提調官吏人等當初用心設法關防
仍例倒換時至檢校及厘勒監燒昏鈔官吏子細檢開毋
致縱令作弊壞亂鈔法

偽鈔

造偽人家家產未入官經革延祐六年三月 日袁州路

奉 江西行省劄付來申許層八等造偽鈔事看詳殺人
囚徒遇革倍徵燒埋銀兩充埋殯之資明有過例其許層
八抄造偽鈔未曾結正其罪欽遇釋免所據家產若擬斷

沒誠恐差池移准中書省咨別刑部議得江西省咨袁州
路申印造偽鈔人許層八李文翁等家產雖曾供報見數
終是未經收係入官既遇原免擬合比例革撥相應具呈
照詳都省擬咨請依上施行

偽鈔板未成遇革釋放至治元年七月初四日福建廉訪
司書吏王陳檢會到延祐元年十一月江西行省准 中
書省咨來咨袁州路備宜春縣申甘元亨首至大四年十
月二十七日有戴榮一說合前去伊家刊板追偽鈔公事
犯人戴榮一招伏本省看詳戴榮一所招至大四年十月
二十七日糾合甘元亨同情抄造偽鈔列雕到至元二貫

偽鈔面印匡其間有偽鈔者處死字樣開雕未完及用錫鑄印二顆抄造紙坯未曾印造甘元亨首告到官本路已原其罪戴榮一所犯若比朱來興例杖一百七下徒役却緣事干通例除將戴榮一監收聽候外咨請照詳准此送刑部議得袁州路宜春縣人戶戴必榮一所招不合於至大四年十月起意糾合甘元亨窩藏在家本賊出銘錫刊造至元二貫偽鈔印板一片於上不曾開雕偽造者處死字樣及刊成背印匡篆文朱印二顆抄造到紙坯未曾印造甘元亨首告到官以此叅詳戴必榮始初起意糾合甘元亨同謀印造偽鈔戴必榮所造紙坯甘元亨刊雕偽板

不曾印造首出到官別無定奪外據戴必榮所犯然雖起意終是不曾印造既已一次欽遇

詔赦釋放相應具呈照詳得此咨請依上施行

偽鈔非正犯遇赦革撥至治元年六月 日江浙行省准

中書省咨該為饒州路申稟金震龍告首偽鈔公事照得欽奉

詔赦節該印造偽鈔不赦欽此除謀起意并雕板抄紙收買顏料書填字號窩藏俱係印鈔人數欽依追勘外據知情不曾下手并分買行使知是偽造寶鈔不行首之人合該杖斷俱在一連事內未審合無釋放擬准中書省咨刑部

議得偽造寶鈔事內除起意之人雕板抄紙收買顏料書
填字號窩藏印造但同情者並行處死余准行省所擬知
情不曾下手并分買行使知事偽造寶鈔不行首告之人
合該杖斷俱在一連事內既非正犯欽依革撥相應准此
已經邊行各處依上施行去訖仰依准
中書省咨文事理施行

倉庫

倉庫巡防盜賊火燭延祐六年二月 日江西行省准
中書省咨延祐六年正月二十五日亦列赤平章買奴郎
中根底野里牙國公傳奉

聖旨但有的倉庫裏好生計較火燭者裏頭外頭好生着緊巡
捕盜賊者麼道傳

聖旨來欽此都省咨請欽依施行

義倉

點視義倉有無物斛至治元年二月 日江西廉訪司奉
江南行臺劄付監察御史呈會驗元欽奉

條畫內一款云義倉驗口數留粟欵此欵詳每社設立義倉
驗口數留粟以備儉歲實欲黎元樂養生之福各處農事
官不體

朝廷恤民之將意義倉視為泛常今漂水州申報延祐四年五年
六年三周物斛數目稻三千八百五十三石六斗米七千
五百九十石七斗卑職親詣附郭上元等鄉撞點得里正
宋翊富不曾設置倉所見在稻米又不如法收貯及里正
宋翊侵食舊管稻各旋將今歲新收物斛抵塘官司取訖
里正劉文富宋翊并提調官達魯花赤知州招仗斷罰外
其餘鄉分不無一體今本州提調農事官親詣各鄉逐一

從實點視前項米稻如有短少就便着落主典之人追徵
還倉仍於各鄉依例設置義倉一所於門守暨立綽屑大
書雕刊義倉二字以表眉目更置粉壁開寫 年 鄉

人數報米若干官司另置文簿二扇依上開寫用印關防官
司收掌一扇里正收掌一扇里正每季將見在稻米開申
本州如王正役滿將文簿當官明白交割倉門並米稻令
提調官並里正社長眼同關防封記如此少革侵漁之弊
除令本州行移提調官以上施行具點訖糧數義倉處所
並里正姓名保結開申外又慮各路州縣官司提調正官
不為用心點檢亦有似此不立義倉去處或有義倉却無

收到物斛切詳義倉誠為極荒之要今主典之人多有侵食借用虛申數目其當該提點正官置之不問又今歲南北俱有水旱災傷即日秋成猶可過遣來年奉首必有飢貧其飢貧之家比及申明賑濟以來先賴義倉稻米以療其饑若各處義倉罄然虛空百姓必致流移呈乞照詳得此憲臺仰行移有司欽依施行仍常加點視務在必行

錢糧

閔收

萬憶庫收堪中支持鈔至治元年二月 日江西行省准

中書省咨戶部呈萬憶寶元庫申奉符文奉 省判為甘

肅和余糧價中統鈔二十萬定今本庫揀擇料鈔起運承此於應有諸名項并寄庫鈔內揀擇起運又行起運二十萬定為此照得本庫先收各行省鹽運司並諸路諸名項鈔內多有與街市行使鈔樣一體不堪支持今兩淮鹽運司解到中統鈔一百五十餘萬定內已起上都八十萬定又撥換起運和林五十萬定今於見收諸名項鈔內選起

甘肅二十萬定若不申覆誠恐各處依前將課程并諸名
項錢不行委官監臨提調收受依前起解不堪支持鈔定
前來卑庫難以支持申乞施行得此三部議得萬億寶源
庫申各處行者與鹽運司諸路解到諸名項鈔定多與街
市行使一體鈔樣不堪支持蓋是各處提調正官不為用
心親臨監收以致如此叅詳今後各處凡收課程諸各項
鈔定須要提調正官親臨監收堪中支持無昏爛鈔定赴
都交納相應具呈照詳得此咨請依上施行

侵盜

教授直學侵使學料延祐三年十一月 日江西廉訪司奉

行臺劄准

御史臺咨來咨湖北廉訪司申慈利州儒學

教授張子仁直學史直諒等權官醫學正鄧濟等侵用訖

本學延祐元年學糧及取受訖學佃戶郝再海等鈔定取

訖招伏除醫學正鄧濟斷訖外所據張子仁侵使係官錢

糧依十二章不枉法例決杖八十七下恐涉太重如將張

子仁量決四十七下解見任別行求仕直學史直諒司吏

黃嗣先決三十七下革去伏慮未當咨請照詳准此呈奉

中書省劄付送據刑部呈照得元貞元年三月十二日承

奉 中書省劄付御史臺呈程夢符告提舉陳莊侵使學

糧取到招詞欽此

詔赦送本部議擬得儒學提舉陳庄所招除輕罪外止據不合將至元二十九年上半年本司擬合該紙扎錢稻谷一百石支要入已又將理問所給付到元追本司侵使南陽書院贍學錢鈔二十三定并蕭英發等處元收管錢鈔七定四兩五錢計中統鈔三十定四兩五錢入已即係枉法已是贓滿罪輕原免擬合依例罷職除名不取標附過名都省准呈仰依例標附施行奉此又照得延祐二年十一一二十七日欽過

詔赦除欽遵外奉此本部議得各處廟學錢糧供給師生廩膳朔望春秋祭祀其主領教官人等往往恣意冒濫支破

侵盜入已雖有禁條別無定例若依枉法不叙難同係官倉庫錢糧如解見任別叙是又大啟俸門助滋奸弊以此叅詳慈利州儒學教授張子仁所招不合與直學史直諒等節次將本學錢糧通同冒破侵使入已罪犯合依行御史臺所擬除輕罪外止據一節不合將支用未盡錢糧中統鈔至元鈔五十貫侵使入已為重依不枉法例二十貫以上至五十貫五十七下殿三年注遷遠一任罪輕釋免擬合依上殿叙外據直學史直諒等革去不叙相應具呈照詳都省仰依上施行

延祐七年革後稟到錢糧延祐七年八月 日江西廉訪

司奉 臺劄准 御史臺咨奉 中書省劄付來呈延祐七年三月十一日革後稟到送刑部照擬到下項事理都省准呈仰依上施行

一 關出倉庫合給散軍匠等口糧物料錢衣装窮暴灶戶工本和買物價和雇脚錢并官降百姓出過首思馬匹草料等錢其侵借尅落冒名支請事發到官已承伏者罪過原免錢物合無徵納給散未承伏者合無追給刑部照得延祐四年二月十二日呈准 中書省劄付已關出倉庫應合給散軍匠口糧物料錢衣装窮暴灶戶工本和買物價和雇脚錢并官降百

姓出過首思馬匹草料等錢官吏人等冒名支請全未給散者既已出倉庫合給散百姓錢物難同係官正數擬合追徵給散中間尅落之數已有承伏者追徵給主未承伏者欽依革撥已經照會令承見奉本部議得上項事理合依前例一體施行相應一 各站支持頭目人等查照出各年不應虛捏使臣起數經過作宿以從作正冒支過首思米麵等錢物追徵之際欽過

詔赦免罪合無自落追理未經查照者未審合無挨照接站理筭追徵唯復止將革後數日照刷刑部議得各站官降

支持錢物祇應頭目人等虛捏使臣起數及經過作宿以從作正冒支首思米麵等物既是係官錢糧已未承伏俱合查照追理相應

一諸局院頭目剋落織造段足絲料價錢罪經原既是係免合無追理刑部議得諸局院頭剋落織造段足絲料價錢既是係官錢物擬合欵依追問徵理相應

一諸官吏人等延祐七年三月十一日已前冒破多佑欺隱剋落入已係官錢物合無依例追問刑部議得延祐七年三月十一日已前官吏人等冒破多佑欺隱剋落入已係官錢物比之短少情犯尤重既是係

官之數已未承伏俱各欵依追問徵理斷罪相應又至治元年九月日福建廉訪司奉江南行臺劄付近據來申為稟通例事移准御史臺咨聞到各項事理已經邊行去訖云云見莊賄例

一諸人告發倉官人等結攬輕賚飛走官糧革前招伏已未徵贓或對証未有招狀不見合無追斷前件照得延祐七年三月十一日欵遇

詔赦節該侵盜短少係官錢糧不赦外又照得照得延祐七年十二月初一日欵奉

詔書內一款諸人侵欺盜用云云至已徵入主典之手者不

在此限欽此今承見奉本部議得諸人告發倉官人等給攬輕賚飛走官糧擬合欽依

詔書事意施行

課程

鹽課

鹽法延祐五年三月 日欽奉

聖旨節該鹽貨條畫開列于後

一隨處所辦課程依舊例管民正官提點若有差出以

次官提點有沮坏亏允取問得實依條究治

一各處運司辦課其間諸衙門官吏人等無得縱令歹

人虛椿飾詞妄行扇惑搔擾沮壞若果有壞鹽司場

官人等不公等事從運司依例歸斷如理斷不應許

監察御史廉訪司糾彈運司官若有非違申臺呈省

辦課人員毋得擅自勾擾

一行鹽地面拘該行省宣慰司各官一員專一提調路府州縣提調正官鎮守把隘軍官巡鹽捕盜等官若有舉行不至者許廉訪司糾調究治事關各省為例事理運司直呈都省

一官民提調點正官常切提調關防嚴加禁治如不為用心者致有私鹽犯界鹽貨初犯笞四十再犯杖八十三犯杖一百除名通同縱放者與犯人同罪

一諸衙門并行鋪之家賣訖官鹽限五日起所屬州司縣繳納引目如違限匿而不批納者同私鹽法仍委提點官軍簿關防既致停藏卧引影射私鹽拘到退引當官隨即毀抹每季申轉運司取官運司官所至之處先行檢舉不如法者就便究問

一客旅買到官鹽並官司網運船車經由河道其關津渡口橋梁安行事故邀阻者取問實計杖一百因而乞取財物者徒二年官司故縱者與同罪夫覺察者笞五十如有拘當客旅取利者徒二年鹽付本諸買價沒官

一轉運司辦課其間語衙門人等不得攪擾沮壞運司官吏人等却不得因而分外生事侵擾官府椿配百

姓

鹽價延祐三年三月 日江西行省准 中書省咨延祐

三年正月十一日

奏過事內一件前者錢糧不敷的上頭百姓每別科差發生受也者添鹽價呵多人每根底均到也者在先

月可亘皇帝時分初立鹽法時四百觔鹽做一引賣十兩銀子來在後

蒙哥皇帝時分每引添做十三兩銀子賣有來

世祖皇帝時分每引教做七兩銀子每兩銀子折做二兩鈔賣十四兩鈔來在後因用着錢時分逐旋添了每引賣兩定

鈔有兩定鈔折做銀子呵依官定價錢該四兩銀子有依做七兩銀子該鈔三定半有每引做三定呵尚少着官司半定鈔有

上位根底奏了交做三定鈔者麼道只般行了文書來如今臺官每說鹽價添做三定呵取利太重只每引做兩定賣者麼道又山東運司因歹人每妄說道鹽法更張扇惑鹽商澁滯着課程說有依着已了的每引做三定鈔多人每根底出榜嚴切省諭呵怎生奏呵那般者麼道聖旨了也欽此都省咨請吏為多出文榜欽依施行

拯治鹽法延祐六年三月 日袁州路准兩淮鹽運司牒奉

中書省劄付所委曹司農丞呈真州入局鹽價見賣三定四十兩除正額三定外帶收蓆索等錢五兩七錢工脚三錢官牙四錢見議添收追船水脚錢各一兩并查鹽船錢通州倉一十二兩五錢安東倉一十五兩又有往來盤纏共計二十餘兩今客本重利微少人買引又照得兩淮見賣鹽袋官定價錢遠者四定一十五兩酌中去處賣鈔四定附近場分三定四十兩擬合照依中等鹽價每引量添一十兩都省議得擬自延祐六年發賣引目及糧中等引客人查引運至真州每引量添中統鈔五貫計鈔三定四十五兩成交發賣今後遵守定例禁治諸倉並真州批引

人等毋致刁蹬取要分例奉此除依例每引正課中統鈔三定發賣客人下倉查鹽運至真州入局成交每引中統鈔三定四十五兩轉賣外江客旅拈卷掣籤挨次過岸及依上禁治外牒可出榜禁治私牙把柄行市及鹽總部割拘引人等毋得非理刁蹬取要錢物侵漁客商以壞鹽法至治元年鹽引十分中收一分銀至治元年二月日素州路准兩淮鹽運司牒奉 中書省劄付延祐七年十一月二十七日拜住丞相等

奏過事內一件今年聚會裏多支用了銀子來庫裏見在銀錠少有預先不規措呵誠恐不敷支用在先似只般聚會

裏支用的錠不敷呵也曾於鹽引內帶收銀來俺衆人商量來將來年賣的鹽引十分中交收一分內銀每一錠銀做四十錠鈔呵怎生奏呵奉

聖旨那般者欽此都省議得預賣延祐八年鹽引除廣海廣東提舉司並邊遠中糧散辦軍人食鹽不預帶收銀兩其餘去處監發賣鹽引欽依收辦每中統鈔四十錠折白銀一錠七成以上依例折筭兩平交收據賣到銀數各驗元收等第成色銷鑄成錠同課鈔分運差人赴都交納不以是何買鹽之家並聽一體共發賣支查資次一切關防照依累降

聖旨條畫事意施行奉此除擬於至治元年正月二十四日受狀發賣本年鹽引依上帶收銀兩外牒可出榜晚諭施行私鹽賞錢延祐七年三月 日江浙省近據兩淮運司申稟給告捕私鹽犯界鹽貨賞錢等事移准 中書省咨來咨備兩浙鹽運司申照得延祐元年八月欽奉

聖旨條畫內一款節該諸人告捕私鹽其告首親獲之人於後官家產內一半付告人充賞若犯貧窘無產可籍雖有不酌其功每私鹽一引官給中統鈔五十貫應捕人減半不及者同一引例於運司係官錢內隨即支給犯界鹽貨依上於犯人名下均徵雖獲確貨而無犯人在理賞之限

欽此又諸人并捕人獲到私鹽賞錢於斷沒犯人家產內一半充賞除欽遇

詔赦已前已抄家產到官照依前例給付貧窘無產及不敷數目官為補支據欽遇

詔赦之後犯人或遇釋免或先已斷配合沒官家產已前未抄到官既已革撥所有應捕軍兵并合捕人給賞錢別無抄到家產錢鈔如不激賞無以激勸若便為官支給終無奉到上司許准通例犯界准鹽於已釋免犯人名下追給乞照詳得此本省看詳諸獲私鹽賞錢例於沒官家產內給付犯界鹽貸犯人名下為徵今既欽遇革撥獲到鹽貸

已行給課其告捕人擬合於回易斷沒鹽錢內給賞緣係為例事理咨請照詳准此送據刑部呈與戶部員外郎嚴泰政一同議得江浙省咨稟請獲私鹽犯人欽遇革撥應捕軍兵告捕人合給賞錢如犯人名下別無鈔到家產擬合比依貧窘無產官為捕支中統鈔一錠例於沒官回易鹽錢內支給不敷者官為貼支相應具呈照詳得此都省准呈除外咨請依上施行

林勳鹽梅延祐六年九月 日御史臺咨奉 中書省劄付送據刑部呈的請戶部侍郎王中憲一同議得各處鹽課恢辦閔防累奉

條例行之已久今福建鹽運司始因埠頭郭榮告訐林勳鹽梅信從展轉指攀收買私鹽用度雖有取到各各招狀別無真正確貨擬合革撥改正疎放元籍財產合行給主運司擅斷懷安縣官吏一節終是招贓明白及林勳等既已斷訖別無定奪今後干碍官吏取受發付廉訪司歸結運司元得倡前擅斷其淹鹽之家合用鹽貨量擬三十觔已上至百觔並行入狀請買鹽司出給公處其余行鹽地面所買有引官鹽有司給憑若用私鹽淹浥果有私鹽確貨明白顯跡准運司元言同私鹽法科斷即雖明白確貨而無官司憑據臨時詳酌輕重斷罪如蒙准呈為例遵守相

應外據監察御史糾呈運使朶兒栢臺蠹法害民一節多
省選官

奏代具呈照詳得此都省准呈除外仰照驗施行

鹽魚許令諸處投托貨賣至治二年抄到江浙行省延祐

六年十月 日准 中書省咨來咨備兩浙運司中會驗

延祐五年二月初八日

奏准

聖旨條畫內一款淹浥魚鱉各有破鹽定例又係商販之物不拘行鹽地方許令諸處興販其有因而夾帶私鹽者依例科斷欽此叅詳兩浙每引淹浥魚鱉一千六十六觔其兩

淮運司每引淹魚二千三十二觔比之兩浙多淹魚一
半彼此用鹽一體若依都省定例實有不倫尚且兩浙破
鹽定例扣納官課淹魚例從檢校所稱盤別無夾帶拘收
引目投托貨賣山東兩淮菜蕪引據賣不秤驗課程不納
奸弊滋生委實以小侵大兩浙鹽課目下亏允宜令合干
部分定立歸一明白通例付下遵守相應得此本省叅詳
如准運司所擬相應請照詳准北送據刑部呈與戶部員
外郎嚴奉政議得兩浙運司所言本司淹滬魚一萬引一
千六十六觔兩淮運司每引淹魚二千一百三十二斤前
來兩浙地面發賣有侵大課緣欽奉

聖旨節該魚一萬引不拘行鹽地方諸令諸處投稅貨賣理合另買
魚一萬引若有前來兩浙地面貨賣預報運司差官點視
封船酒經檢校所秤盤方許投稅庶幾少絕私鹽侵視以
此叅詳淮浙運司怵辦鹽法并發賣魚鹽各有定例行之
已久其淹滬魚一萬引聽從民便不拘地方貨賣納稅即係
奏准通例若准所言輕議更張中間滯礙商旅有碍鹽法事
涉不便擬合依舊從便發賣如有夾帶私鹽依例科斷相
應具呈照詳得此都省准呈除外咨請依上施行

茶課

延祐五年極治茶課延祐五年十二月 日江西行省准

中書省咨戶部呈奉省判江西茶運副法忽魯丁奉直言
茶貨始自至元十三年呂都督管辦該中統鈔一千二百
餘錠後立運司及各處提舉司由此連年增羨不已至延
祐五年已增至中統鈔二十五萬餘錠俱係各處提舉司
及各處有司帶辦所是各處提舉司合辦課鈔延祐二年
都省准運使鄭中大夫呈言經赴各省納送以此思之運
司不過一領袖而已至於運司各處提舉司官吏人等俸
祿週歲計中統鈔四千一百七十二錠二十兩及有分司
書吏奏差人等差出乘坐鋪為鈔船閔請首思先已如此
丐官而所辦課程却要額上添額無非害民取辦宜從都

督會議

聞奏將運司停罷合該課鈔令各處提舉司依舊帶辦說解
各省送納實為長便具呈照詳送戶部照議到逐項事理
咨請依上施行

一合辦課延祐二年都督咨文忽都魯帖木兒尚書講
究及運司經斷書吏周明仲陳言茶課可增至三十
萬錠自此額上添額為此檢照得大德七年五月中
書省咨文

奏准事內一款節該恢辦課程額外辦出的增余人作正額
次後交代的人驗着那數那人又辦出增余又作正

額因以即漸的添的重了交百姓生受今後額外辦出來的增余依係納官不作正額欽奉如此所辦茶課合無以二十萬錠為額合該公據引由每引一道舊例官錢一十兩今通作中統鈔一十五兩批驗每引舊例官錢一錢今通增作中統鈔一錢五分茶由每引舊例官錢一錢一分一厘一毛二系今通增作中統鈔一錢六分六厘六毫八系如此減引添錢必增至三十萬錠若慮以減引添錢似於數上有妨則望照依延祐三年考較定二十五萬錠為則依驗前數每引一道上添二兩五錢通作中統鈔一十二兩

五錢又可增至中統鈔三十萬餘錠然終不若減引添錢之為便所是舊來公據引內則望從新五法更張與氏行用外有福建兩廣每年差官吏奏差人等責辦惟務巧取滿其所欲則呈報本司從處無茶可以辦課宜從有司從實報官納課議得本官所言額茶課減引添錢必可增至三十萬錠照得至元十五年木八刺運使管辦時長引收鈔一兩八分五厘六毫短引收鈔八錢四分五厘六毫辦鈔六千六百餘錠至元十七年戶運使陳言將引革去止用短引末茶收鈔二兩四錢九分草茶收鈔二兩二錢四分

辦課一萬九千八百餘錠至元二十一年廉運使言
草茶課作三兩三錢三分末茶添作三兩五錢本年
辦鈔二萬八千餘錠至元二十三年李起南言每引
添作鈔五兩辦課四萬餘錠至元二十六年阿里渾
撒里葉右丞等

奏准每引添作一十兩通發引五十萬道在後節次添增茶
引至一百五十萬道每引止依至元二十六年元定
辦課一十兩到今三十年再不增添加延祐三年辦
到課鈔二十三萬五千餘錠今既本官言額上添額
事同椿配以此叅詳合准所言權擬減引三十萬道

以一百二十萬引為則每引量添中統鈔三兩通作
一十三兩候至年終比較提辦課數無發引目有無
多余短少至日議擬自延祐六年正月一日為始恢
辦舊來公據申引若便立法從新改造延祐六年引
據本省已行閑撥去訖如蒙准呈宜從都省移咨各
處行省照會外據運司差去福建兩廣書吏人等及
本處官吏擾民取要錢物劄付御史臺令各道廉訪
司嚴加體察依例追斷相應

前件議得江西茶課自至元十五年為始權辦到今雖
有節次增^添茶之名而無依額辦足之實今既各省並前

茶運副法忽魯丁俱言見行茶法官民無益減引添錢
為便依准所言每歲量發引目一百萬道每引添中統
鈔二兩五錢通作一十二兩五錢作額恢辦茶由批驗
分例等錢上依舊例辦納公私俱濟延祐五年十一月
二十七日

奏過事內一件江西茶運司額辦的茶課自至元十五年為
始權辦中統鈔六千六百余定來在後節次添額至元
二十六年每引添作一十兩通發引五十萬道在後額
上添額教權辦一百五十萬引該鈔三十萬定因為課
額重了的上頭靠損了茶戶辦納錢前有權擬減引三

十萬道每引却添鈔三兩通作一十三兩發賣公道戶
部與俺文書有俺商量來文書照呵最多辦出的年分
延祐三年辦了二十四萬九十餘定來該引一百二十
五萬道其餘年分不曾辦上只此來如今引目裏減了
止發一百萬道每引量添價鈔二兩五錢通作一十二
兩五錢額恢辦呵該二十五萬定鈔有只般呵不失原
額茶戶也不生受也者其余茶由批驗等錢止依舊例
辦納呵怎生奏呵那般者麼道欽此移咨江西權茶拘
該行省欽依恢辦外據運司差去福建兩廣書吏人等
及本處官吏擾民取要錢物等事劄付御史臺嚴加體

察

一運司所辦課鈔止是親權江興二路課鈔三萬五十餘
定其餘課鈔係各處提舉司並有司帶辦往赴各省送
納將運司停罷議得運司始自歸附以來設立辦課到
今四十餘年未嘗更該若准本官所言革罷不見彼中
事宜切恐因而亏冗課額似難議擬

前件議得江西茶課既已

奏准移咨行省減引添錢恢辦所言革罷運司依准戶部所
擬別無定奪茶運司今後無得不時頻委分司濫差書
吏人等多坐鋪馬站船擾害官府合咨行省禁約及剗

付御史臺嚴加體察施行

一運司差放局所官攢人等不下五百餘人公然納賄賣
弄明是將本圖利批驗每引官錢一錢外取人情中統
鈔一貫至一貫五百者茶由每觔官錢一錢一分一毫
二系外人情中統鈔五百至一貫者官錢至微而取要
至重緣前項局所難以停罷且以院務攢攔大處不過
二三小處不過一二合無照依稅務例存設據局官一
節檢照得皇慶二年九月中書省咨文

奏准事內一款節該批驗所茶由局合委的人五百定之上
設立稅官五百定之下行省於到選錢谷官內銓注欽

此尚有五百定之下者二十八名未蒙行省欽依銓注
合設攢典合無於司縣吏內點差合干人依稅務例自
行踏逐議得本官所言相應

前件議得茶運司見設局所三百定之下者二十八處合
從行省斟酌各處課額輕重擬定可用攢典合干人數就
今局所正官自行公選無過信實人委用運司不許濫設
之人截日革去若有不應及取要錢物劄付御史臺體察
施行

一各處提舉司合辦課鈔已係各省送納僅有月季申課
數經申運司年終考較官吏乘坐船馬前來運司淹延

旬月考較人情所費尤多如蒙存留提舉司恢辦課鈔
及青付有司舊帶辦議得今後年給考較令當該司
吏一名赴運司立限照筭依例置簿標附事畢即便發
回不許勾喚正官首領官攢報中間若有取要錢物依
前勾擾宜從都省劄付御史臺嚴加體察外據有司依
舊帶辦一一節似難議擬

前件議得各處推茶提舉司年終考較依准部擬今後不
許運司勾喚各處正官首領官取要錢物劄付御史臺嚴
加體察所言有司帶辦茶課別无定奪
一運司每年各官分司吏貼人等買囑隨行又有舍人摠

領祇候曳刺人等隨至分司去處威挾有司需求百端
稍有相違結構無籍之徒以私茶為由妄經分司陳告
展轉追問又分司所至之處卒至禍及平民所有各處
解課之人必須先投各官舍人總領門下方敢賚鈔納
官人又被各衙祇候曳刺人等合成羣黨恐要衙審納
事錢物議得今後如遇分司從本司公選書吏奏至各
一名牒發分司公使若有多餘濫設人數不公不法宜
從都省劄付御史臺令各道廉訪司嚴加體察相應
前件議得茶運分司吏貼人等擾民事理依准部擬今後
分司止許將引書吏奏差各一名無得似前多引吏貼人

等擾民害政劄付御史臺嚴加體察施行
茶課添力辦納及不得拘奪運茶船延祐六年七月 日
欽奉

聖旨中書省奏江西茶運司為每年額辦茶引數多難辦的上
頭去年奏了減引添價每引通作一十二兩五錢計引一
百萬道該辦中統鈔二十五萬錠其茶由批驗等錢依舊
例辦納切恐諸人攪擾乞降添氣力

聖旨准奏本司合辦茶課依已了的聖旨從長恢辦務要增羨
盡實到官辦課其間語衙門及應管公事人等不得沮壞
拘奪運茶船隻妨碍辦設若有違犯人每要罪過也者運

司官吏人等却不得因而椿配百姓作弊欵此
銀課

蒙山銀場多科工本延祐七年十二月日江西廉訪司奉
臺劄近據來申蒙山銀場多科工本移咨御史臺咨呈
奉中書省劄付送戶部議得御史臺呈江南行臺咨江
西道廉訪司申蒙山銀場提舉陳以忠始言蒙山銀場煉
銀工本納糧不使每歲認撥戶糧四方石減石減鈔一十
兩只收輕費三十兩做煉銀修坑取礦買炭工本辦銀七
百錠如有亏允願將家產折挫還官自禮任之後連年巧
立名色每糧一石科要五十六兩五錢至於六十兩計之

自延祐四年至延祐六年三月之間多取訖糧戶上本錢
鈔三萬餘錠擾民之甚若依陳提舉元定糧價每石中統
鈔三十兩令所在州縣徵收類解提舉司收納辦課龍瑞
二路生民幸甚以此叅詳陳以忠白身授以提舉職名本
欲課增民便今本人故違元行恣意多取反為民害誠非
所擬合准御史臺所言依元定糧價許令拘該官司徵收
搃解提舉司收管實為良便如蒙准呈照會相應都省除
已移咨江西行省劄付徽政院依上施行外仰照驗施行
酒課

私酒同匿稅科斷延祐六年三月日江西行省准

中書省咨刑部呈奉省判江浙省咨杭州路申照得至元二十五年三月欽奉

聖旨條畫內一款私酒麴例大德七年禁酒例至元十四年五月私茶例又奉

聖旨條畫內一款云私鹽例欽此除欽遵外本路見獲私酒數起犯人止招不合用鈔采買米麴醞造私酒於認戶酒內夾帶影射沽賣不過營求微利糊口而已俱照至元二十年犯私酒麴例科徒二年決杖七十財產一半沒官與犯私鹽無異其鹽徒私販每遇巡捕拒傷官兵情既不同罪難一體如蒙照依大德七年禁酒例決杖七十七下追

中統鈔一百貫付告人充賞庶幾刑法得中送刑部約請到戶部王承直照得奉省判湖廣行省咨常德路申准副達魯花赤哈珊大中閱該酒醋課程散入民間恢辦諸人皆得造酒有地之家納門攤酒課者許令造酒食用造酒發賣者止驗米數赴務投稅其造酒發賣而不稅者是與匿稅無異即今官司往往將犯人依舊例決杖七十籍沒一半財產若富有之家造酒沽賣安肯吝惜些小稅錢當比重罪皆因比年以來水旱相仍多係小民為無生理沽賣酒漿過活愚而既知以致匿稅悞犯刑憲事發到官無問斗升之米一體科斷雖有籍沒之名其貧家小戶財產

能有幾何況犯私茶者亦止斷沒所犯物貨以此較之中
間輕重似有不倫今後有匿稅酒者如蒙減輕依匿稅例
科斷似望刑法得中咨請照詳奉都堂鈞旨送刑部照擬
連呈奉此今奉前因本部與戶部員外郎王承直一同講
議得權沽之法既已改革酒醋課程普散於民除詔納門
攤許令醞造飲用外其諸人自備工本醞造酒麴不行外
赴務包認官田者若與私煎販賣鹽貨一體科斷徙配似
涉太重以此叅詳合准湖廣行省並常德路副達魯花赤
哈珊所言依匿稅例科斷庶使情法得中具呈照詳都省
准呈咨請依上施行

契本

買賣契券赴本管務司投稅至治元年二月 日江浙行
省准 中書省咨該來咨兩浙運司申蘆漕場灶戶張浩
告用工錢錢二千三百七十餘定允佃到崇德州濮八提
領等元佃係官園田二千三百餘畝令男張一將私物約
於新城務投稅納訖稅錢七十九定有淘莊務官阿里與
黃千八以不稅田約為由越經廉訪司陳告委嘉興路徐
總管追問本路不即行移約問輒拿監禁等事行據嘉興
路申移准徐總管閔問責得張仁狀招延祐四年月日不
等用中統鈔二千三百七十八定三十五兩佃買到濮壽

一官等官民田蕩三十一頃二十四畝七分一厘內係官
係官田頃六十六畝二分民田五十八畝五分一厘俱各
坐落洵莊務地面自合赴所屬稅務投稅不合藏留一月
不行投稅聞知告發欲得脫罪賚往新城務稅過致被告
發到官罪犯擬將本人例笞五十將元買田價一半沒官
於沒官鈔內一半付告人充賞追到張仁名沒官田價中
統鈔一千一十定餘鈔追解未到叅詳張仁允佃官民官
田蕩三十一頃二十四畝七分一厘緣奉省部定例止該
佃種人戶轉佃告官勘當許立私約允佃別無收稅朋文
兼買民田五十八畝五分一厘例合本處務司投稅本人

聞知告發衮同官田一槩於隣境新城務投稅課程既以
到官佃難斷投事干通例咨請照詳送戶部議得諸處設
置務司各有拘該地面辦課收稅若有亏允陪償今張仁
允佃官田別無收稅定例買訖民田五十八畝五分一厘
不應越境稅契已行結課即係延祐七年三月十一日欽
遇

詔赦以前事理佃難追沒今後凡有買賣交關一切契券皆
合坐落本管務司投稅若有越境者其中情弊不無悉宜
禁止理合比依匿稅例追斷受稅務官亦合科罪改正如
蒙准呈為例遵守相應具呈照詳得此都省咨請依上施

行

賦役

差發

江南無田地人戶包銀延祐七年六月日江浙行省准

奏腹裏漢兒百姓無田地的每一丁納兩石糧更納包銀絲

線有江南無田地人戶是甚差發不當各投下合得的阿

哈探馬見官司代支也不曾不姓身上科要好生偏負一

般俺眾人商量來便待依着大体例丁糧包銀絲線全科

呵莫不陡峻麼如今除與人作佃庸作賃房居住日趨生

理單身貧下小戶不科外但是開張解庫鋪簾行舡做買

賣有營運殷實戶計依腹裏百姓在前科着包銀例每一

戶額納包銀二兩折至元鈔一十貫本處官司驗各家物力高下品谷均科呵怎生奏呵奉

聖旨依着恁衆人商量來的行者欽此又奏這勾當行的其間行省官提調着休交動擾御史臺監察御史肅政廉訪司添力成就者若路府州縣官吏人等作弊放富差貧取要錢物交百姓生受的有呵要了罪過罷了他每勾當交監察廉訪司休察呼怎生奉呵奉

聖旨那般者欽此除已劄付御史臺欽依施行外都省咨請欽依施行仍委本省官首領官提調科徵每歲五月十五日為始開庫收受八月中納定通行起解

官糧一斗添二升江浙行省准

中書省咨延祐七年四

月二十一日

奏腹裏漢見百姓當着軍站喂養馬駝和催和買一切雜泛差役更納着包銀絲線稅糧差發好生重有亡宋收附了四十餘年也有田的納地稅做買賣納商稅除這的外別無差發比漢見百姓輕者更田多富戶每一年有收三二十萬石租子的占着三二千戶佃戶不納係官差發他每佃戶身上要租子重納的官糧輕這裏取些小呵中也者待驗田畝上添科呵田地有高低納糧的則例有三二十等不均勻一般除福建兩廣外其餘兩浙江東江西湖南

湖北兩淮荆湖這幾處驗着納稅民田見科糧數一斗上
添答二升這般商量來奏呵奉

聖旨依着恁眾人商量來的行者欽此都省除已劄付御史臺
欽依施行外咨請欽依施行仍委本省官首領官提調科
徵依期送納果有不通舟楫去處照依本處開倉時佑折
收價鈔將元科添答糧數開咨

回回當差納包銀江西行省准 中書省咨延祐七年四

月二十一日

奏諸色戶計都有當的差發有回回人每并他放良通事人
等不當軍站差役依體例合交當差發的多人言說臺官

每也幾遍動文書教商量者麼道有

聖旨來如今俺商量來回々也里可温竹忽答失蠻除看守着
寺院住坐念經祝

壽的依着在前

聖旨體例休當者其餘的每并放良通事等戶在那州縣裏住
呵本處官司抄數了立定立冊有田的交納地稅做買賣
納商稅更每戶額定包銀二兩折至元鈔一十貫驗着各
家物力高下品答均科呵怎生奏呵奉

聖旨依着恁眾人商量來的行者欽此都省除已劄付御史臺
欽依施行外咨請欽依施行

差役

諸色戶計雜泛至治二年抄白中書省延祐五年十一月十一

日

奏准節該今後依着累次行來的

聖旨民間但是和催和買里正主首雜泛差役除邊遠軍人大都至上都其間自備首思站戶諸等觀南方自止宋以前腹裏雲南自元貞元年為格舊有常住并

上位撥賜田土除差外據邊遠軍人元籍去處各有贍軍產業那裏既已優免了這軍官軍人并僧道人等續置了百姓每的當差田地及財賦總管府承佃附餘地土並與其

餘軍站民匠監儒灶戶運糧船戶各枝兒不以是何戶計都教隨產一体均當呵怎生奉

聖旨那般者麼道

聖旨了也欽此

諸戶均當差役至治元年見至治改元詔內

煉銀戶計差役延祐七年十月日江西行省准中書

省咨來咨徽政院咨蒙山銀場提舉司申煉銀戶計應當里正主首雜役耽悞辦銀申乞照詳得此照得延祐六年

四月初九日

啓奉

皇太后懿旨這辦銀是大勾當有再教他重併當里正主首雜
泛差役呵咱每勾當不悞了那甚麼休教當者麼道敬此
咨請照詳准此送據戶部呈延祐七年五月十八日欽奉
聖旨休例除上都其間自備首思站赤邊遠出征軍人外諸王
公主駙馬各枝見不以是何諸色戶計及權豪勢要人等
合着和僱和買雜泛差役並折草檢開昏鈔交與民一體
均當者在前奏了不教當和僱和買雜泛與來的執把

聖旨

懿旨

令旨住罷者這般宣諭了呵別了的人每有罪過者監察御

史每常川用心体察者欽此除欽依外今奉前因本部議
得和僱和買雜泛差役已有

奏准通例參詳宜從都省移咨江西行省欽依施行得此都
省請欽依施行

十石糧簽弓手至治二年抄到江西行省延祐五年五月
日准 中書省咨果咨各處弓手祇候首領面前曳刺管勾
於相應戶內從新捕換看詳各處所申弓手戶糧不一未
審擬於何等糧數內簽差咨請定奪都省咨請斟酌事宜
於相應戶內就便簽補施行准此省府相度弓手於納糧
人戶彼中擬一十石為則簽充一名仰依上施行

差役驗鼠尾糧數依次點差延祐四年二月 日袁州路
准 江西廉訪司牒准吉贛分司牒切謂為政之要莫善
於牧民之道莫若於賦役如能賦役均平錢糧辦集何所
不可會驗大德七年十二月二十五日江西行省與奉使
宣撫議得里正首例 元例如此當賦於延祐三年內依
奉憲司委分巡吉贛南安三路審理罪囚所至人民執狀
滿前陳告差役不公蓋因親民各州司縣專以點差里正
主首視為奇貨循習舊弊因仍苟且每年並不於年終預
行定擬周年交換受其吏貼賄賂買充戶案分管鄉都直
至次年五六月間才方點差徃々信憑罷閑公吏久占貼

書安俾茶食之人結構豪霸把持官府通同作弊不將稅
糧戶籍丁差驗數多寡編排鼠尾從上至下照依資次從
公定差或聽人戶自行推唱臨時止是戶名糧數點充捏
合舊役主首保擬預於一月以前故以差役為名俾保門
戶之人為之見聞播揚鄉村富貧強弱悉在懷念表裏為
奸侵漁為害姑待構絆堪克賦役相應者厚其囑托僥倖
脫免以一摺十破用入已當該官吏既受其私縱令糧多
有力戶計隱漏不報或分立詭戶折減糧○數欺瞞官府
賣弄周遍却將糧戶力薄該免雜役產去稅存者動搖勾
拊那上儻下脫富差貧待其有詞需求所欲從而改差仍

將小戶細民補替抑勒充應被擾之民展轉陳告遷延反覆不能定奪以致富彙恣逞奸雄貧下之家破產及至催糧之際尚有鄉都不曾差定公然缺役遂使錢糧不辦失候限期貶政害民莫此為甚牒請行移各路督勒合屬州縣將相應當差人戶所有田糧丁產驗其高下糧數多寡盡實編排鼠尾文冊從公定差周歲合該里正主首花名自正月為始承管事務或各都願將有糧役戶殷富之家公同自行推唱遜議從實挨排周而復始輪流充應如糧多願作兩三年者聽從民便開具點定各鄉都役戶花名出榜曉諭今役每歲年終役滿周歲催糧足備依例差換

次年正月交替如此侶望吏奸可息差役可平官政可清錢糧可辦准此看詳各路親民官司賦役不均那儻作弊如准所言行移各路更張善治誠為官民兩便除牒按治路分督責所屬州縣將延祐四年合設里正主首驗糧多寡編排鼠尾從公依次點差務要均平毋致那上儻下放富差貧如鄉都自願推唱遜議從實挨排輪流當役者聽從民便自正月八役承管事務開具花名出榜曉諭今後年終催糧足備周年交換若有依前賣弄作弊過違限期編排不當定差不公將正官首領官吏斷罰不致因而動搖擾民違錯外牒可依上施行

依上抄寫第十二年燈設以七年寫完皮
再抄寫勸課以

監箱保種一條官
寫立常保未

勸課

農桑

禁約食踐田禾延祐四年七月初二日大司農司

奏過事內一件司農司去年為大都週迴並外處放頭足
人每將田禾食踐偷盜了上頭奏奉

聖旨食踐田禾偷盜了田禾人每若拿住呵交倍償了要罪過
者麼道

聖旨有來各怯薛各枝兒并大都路裏俺行了文書來今年大
都週迴隨處田禾好生好有恐怕各枝兒各怯薛諸色人
等牧放頭足食踐田禾咽咬桑菓斫伐樹枝今歲比及

上位迴還大都若不嚴行禁約呵壞了田禾樹枝一般俺與省家文書各怯薛各枝兒諸色人等若有縱放頭足食踐偷盜了田禾咽啖桑菓等樹違犯的人每倍償了依例追斷有司官不為用心提調呵受

勅的就便斷罪受

宣的取招申大司農司

聞奏仍令監察御史嚴加糾察呵怎生奏呵奉

聖旨那般者麼道

聖旨了也欽此

虫蝗生發申報大德十一年正月行御史臺劄付准

御史臺咨奉 中書省劄付檢會先欽奉

聖旨條畫內一款遇有蝗虫坐落生子去處委本路正官一員州縣正官一員十月一日專一巡視本管地面若在熟地併力翻耕荒地附近多積荒草候春^生生發不分明夜監視燒除隨即申報上司本管官司停滯日時不報者治罪降罰欽此照得今 各處多有申報虫蝻生發已行合屬併力捕除所據飛蝗住落生子去處欽依已降

聖旨條畫摘差各路正官一員厘勒合屬正官親詣督責地方人戶翻耕遺子荒野田土如委力所不及如法耕圍藉記舊有荒草禁約諸人不得燒燃來春若有虫蝗生發就

隨即燒除毋致復為災害取 處官司重甘結罪文狀都
省除外仰照驗施行承此

交易 一十七下 二十七下 四十七下

軍民諸色人戶 不原者限

田 典賣田宅皆從 一十日批

宅 尊長畫字給據 退如違限

立帳取問服房 不行批退

親次及隣人典主者決

典賣批問程限 延祐二年九月 日江浙行省准 中書

省咨禮部呈奉省判御史臺呈據監察御史言切謂民間
諸典賣田宅者皆因迫于飢寒或遇喪事并軍站差發及
欠少錢債委死措辦致將地土土房舍或典賣以其急蓋

愿者限二十五日批
價依例立契成交違
限不酌價。任便易親
隣典主故行刁證娶
畫字錢物。如業主
處抬高價不相由
問成交。聽親隣典
主不過百日聽易收
贖限外不得爭告保
價收贖

欺昧親親隣
典主主在地
故不交所者
百業。雖里之
外不在由問
之限

不得已也檢會到至元二十七年都省議得今後凡典賣田宅皆從尊長畫字立限取問有服房親次及隣人典主不愿者批退愿者五日批價依例立契交錢允業若酌價不平并違限者任便交易其親隣典主毋得故行 占刀證取要畫字錢物如業主虛抬高價不相由問成交者聽親隣典主百日内收贖限外不得爭告欺昧親隣典主故不交業者雖過百日並聽依價收贖若親隣典主在他所者百里之外不在由問之限軍戶依例給據如有違犯者依例歸結若所管官司應與決不行與決或作疑申稟致使爭訟之煩紊上下官府將當該官吏嚴行治罪奉此

除遵依外今照得近年以來多有房親隣人典主不遵官司定限恃以富勢欺壓良民勒要畫字錢物刁蹬多端難以備舉動經年月推調不行畫字致令業主多負錢債重納利息困苦至極少有不赴官陳告其當該人吏取不隨即結絕亦行取受錢物徃徃如是事理微良良多受害原其所由盖因當時雖設批退程限别无定到違限當有罪責以致如斯深不便易以此叅詳此項公事即係違別定例事理莫若今後諸典賣田宅但凡親隣典主不愿者三日内不行批退加以罪責若十五日内不行酌價亦行治罪若干其業主却行欺昧親隣典主私下成交者亦行治

罪若干如此立定成憲似望少革其弊不唯貧民受賜官司亦省文煩公私得濟宜從憲臺責呈中書省令合干部分定擬相應具呈照詳得此送禮部照擬施行奉此本部議得上項事若依舊立程限議擬科罪切恐限次促迫不能完備致使百姓枉遭刑憲以此叅詳今後軍民諸色人戶凡典賣田宅皆從尊長畫字給據立帳取問有服房親次及隣人典主不愿者限一十日批退如違限不行批退者決一十七下愿者限一十五日批價依例立契成交若違限不行酌價者決一十七下任便交易其親隣典主故行刁蹬取要畫字錢物取問是實決一十七下如業主

虛抬高價不相由問成交者決一十七下聽親隣典主百日内收贖限外不得爭告欺昧親隣典主故不交易者決四十七下雖過百日並聽依價收贖若親隣典主在他所者百里之外不在由問之限若告發到官不行依例理斷從監察御史廉訪司糾給如蒙准呈遍行照會具呈詳照得此都省咨請依上施行

探馬赤軍典賣草地延祐七年十月 日江西行省准

中書省咨該准中書省咨延祐七年七月十五日奏大都省官人每備着監察每文書說與了的不交回付元價軍需什物的上頭將根元分撥與來的草地典與了人的

不交回付元價將地分撥與軍人每者麼道在前樞密院
一面

上位根底奏了來若交這般行呵動搖有探馬赤軍人典盾
與了人的地土驗元價收贖將地歸還原主外貨賣地土
依至元二十五年至大四年行來的

聖旨體例革撥今買地人為主這般與將文書來俺商量來根
元百姓典賣地時分明白立着文契買了起蓋房舍我植
種養應當各處差發又兼在先地價賤來如今貴了也若
不交回付元價追奪地土呵百姓偏負有依着他每定擬
來的除立文契買的外貨當來的錢業各歸本主呵怎生

奏呵奉

聖旨那得這般體例來依着恁商量來的錢業各歸本主者麼
道

聖旨了也欽此咨請欽依施行

災傷

延祐七年革後稟到冒除災傷等例延祐七年八月日

江西廉訪司奉臺劄准 御史臺咨奉 中書省劄付來

呈延祐七年三月十一日革後稟到送刑部照擬到下項

事理都省准擬仰依上施行

一官吏額外多科及冒除災傷差稅主典催取侵欺入

已勘當納差人戶指證明白或取訖招伏追徵之際
欽遇

詔赦罪經釋免未審合無一體追徵還官給主外據冒除災
傷人戶未納差稅合無一體追徵還官刑部照得延
祐四年五月十七日承准中書省劄付官吏額外多
科也招明白依例追徵給主冒除災傷差稅主典催
取侵欺入已并冒除災傷人戶未納差稅革前既有
文案擬合欽依革撥已經照會今承見奉照得延祐
七年三月十一日欽奉

詔書內一款差發稅糧民之常賦貧乏逋欠在所宜矜其延

祐七年已前徵理未足之數並行蠲免已徵入主典
之手不在蠲免之限欽此除欽依外本部議得官吏
額外多科已招明白依例追徵給主冒除災傷差稅
主典催取侵欺入已罪過原免已未承伏俱合追理
還官外據冒除災傷人戶未納差稅擬合革撥相應
儒學災傷田糧延祐四年十二月 日江西行省准 中
書省咨江浙行省咨備平江路申摠管入不沙正擬閔延
祐三年九月儒學申水旱災傷田土七十四頃二十八畝
三分五厘該糧三千七百七石二斗六升五合八勺中統
鈔一錢七分乞下合屬檢踏看詳有司災傷田土例從州

縣初檢路官履踏廉訪司官體履完備然後除根其學院
災田止是教官與各州縣所委無職役人一同踏視以致
學官恃無路官履踏廉訪司體履通同吏僕田甲取要鈔
兩以熟作荒賣放分數冒除糧米或有十倍災傷無錢計
囑却作成熟田糧拖欠之數今後水旱田禾莫若照官民
田例從州縣委官初檢路官復踏所候廉訪分司體履相
同准除糧米庶革舊弊

家財

父母未葬不分異 延祐六年十月 日江西行省准 中
書省咨 御史臺呈山東廉訪司申大使安正奉牒比見

庸愚不思父母亡歿猶未安葬先已分財異居各為不均
互相毀訐莫若今後凡民間弟兄遇父母亡歿未曾大葬
者不許析居須候葬畢方許分另願永遂同居者聽如准
所言庶裨風教送刑部約會禮部一同議得喪葬之理除
蒙古色目例從本俗別元定奪其餘人等凡居父母之喪
葬事未畢弟兄不得分財異居雖已葬訖服制未終而分
異者並不禁止具呈照詳都省咨請依上施行

婚姻
嫁娶

答三十七

答四十七

五十七

悔親

許嫁女
已報婚

若便

已

後娶者知情減一等女歸
前夫男家悔者不坐只不

書及有

許他

成

追聘財外據五年無故不

私約或

人者

者

娶者照依舊例聽許經官

別嫁

受財而
輒悔者

答

出給執照別行改嫁

定婚不許悔親別嫁皇慶二年五月 日江浙行省准

中書省咨禮部呈奉省判本部元呈晉寧路申准本路總

管石加議閔切聞男女婚姻五常之始有夫婦然後有父子有父子然後有上下合二姓之好為一家之親蓋所以承宗事嗣後世也今百姓之家始于結親家道豐足兩相敦睦在後不幸男家生業凌替無議財錢不能辦足女家不放婚娶遂生僥倖違負元約轉行別嫁亦有因取喚歸家等事遂聘他人者經官辨訟迂延月日至有所出遵已婚為定而斷焉啟僥倖之路成貪鄙之風不惟紊煩官府實為有傷風化其婦無再醮之禮一與夫合終身不改當職照得唐制許嫁女已報婚書及有私會而輒悔者杖六十雖無許嫁婚書但受聘財亦是若更許他人者杖一百

已成者徒一年半後娶者知情減一等女各追歸前夫今畧舉見行事發到路者一十餘家州縣徃徃習已成倍以此看詳除五年無故不成娶聽許經官告給執照改嫁外處已到官者罪經欽依

詔書釋免事依唐律歸結已後敢有犯者比照唐律量減二等罪歸結女追歸前夫如此庶革僥倖之風以為長便然此緣係為例事理照驗更為申覆上司定奪明降事准此府司申乞照詳早賜明降付下遵依施行准此本部叅詳夫婦乃剛常之道人之大倫禮之大節也近年以來民間婚姻詞訟煩多蓋緣僥倖之徒不守節義妄生嫌疑弃惡

夫家故違元約以致若此實傷風化今晉寧路石加議所言誠為中理如蒙准呈本部為例遵守通行照會相應具呈照詳批奉 都堂鈞旨送禮部約會刑部官一同議擬施行奉此本部同刑部謝尚書議得男女婚配人之大倫愚民無知徃徃悔親別嫁引訟不便若不立法禁約無以敦勸民俗今後許嫁女已報婚書及有私約或受財而輒悔者答三十七下若更許他人者答四十七下已成者五十七下後娶者知情減一等女歸前夫男家悔者不坐只不追聘財物外據五年無故不娶者照依舊例聽許經官出給執照別行改嫁如准聽言遍行照會劄付本部為例

遵守相應具呈照詳得此都省咨請依上施行
年幼過房難比同姓為婚至治二年五月 日漳州路抄錄到至大二年四月奉 江浙行省劄付准 中書省咨

來咨福建道漳州路龍溪縣備陳良然告隣人蔡福奴雖大女廣娘為妻即係同姓為婚取到一千人等詞因議得蔡福奴雖是蔡大親女為初年父母亡歿親兄蔡廣仔養贍不過至元二十八年將伊過房與在城曾機察為女改名曹福奴元貞元年曹機察主婚聘為蔡福為妻若以同姓為婚却緣本婦終是過房於曹家養育成人養父曹機察主婚明立婚書作曹福奴嫁與蔡福為妻已有所出二

男二女若依龍溪縣所擬斷令與夫完聚事干通例伏慮
差池請定奪回示准此送禮部議得蔡福始初憑媒寫立
婚書止是求娶曹機察女廣娘為妻經今十三年因隣人
陳良告發其廣娘省供身本姓蔡乃曹氏乞養之女中間
情節瞞昧可疑况本婦已有所出男女四人比之明知同
姓為婚者不同合准已婚為定相應 都省准擬依上施
行

服內成親

斷例 三十七 四十七 五十七 六十七

婦人亡夫不

婦人杖

行守制服內 媒人決

主婚

男子決

○離異

錢財酌謝

與人成親

人決

與男同

等物沒官

居

夫亡服內成親斷離與男同居延祐七年正月 日承奉

江浙行省劄付准 中書省咨來咨建康路備句容縣申

得俾用狀告弟俾貴三延祐三年五月十八日因病亡歿

孝服未滿弟婦姜三娘嫁與二二官去了乞施行得此責

得俾阿姜狀招延祐三年十月十二日阿姜在媒人徐壽

一家與二二官相見喫茶說話阿姜與訖唐二官白羅手帕一條非表記延祐四年五月二十八日與唐二官為妻服內成親是實又責得唐二官名起莘干連人徐實等指相同比例擬將佻阿姜決杖七十七下離異與男同居守服唐起莘明知佻阿姜夫服未終浼令徐實等說合成親知而共為婚姻減三等媒証人又減一等科罪其本路所擬終非通例即今服制已定宜從省府咨稟令合干部分定擬服內成婚罪名通例遵守相應咨請照驗准此送據刑部呈照得至大元年閏十一月刑部呈准蔡壽僧夫死八月背婆接受李茂財財錢小叔李五兒主婚嫂與本

人為妾擬蔡壽僧六十七下李五兒四十七下李茂才五十七下離異財錢沒官本部議得佻阿姜所招伊夫佻貴三亡歿未及期年自行主婚令徐實并母徐阿馮呂阿嚴等為謀接受唐起莘財錢服內與本人為妻罪犯比例擬杖六十七下離異與男官保同居唐起莘知而為婚決五十七下媒人徐實呂阿嚴各決三十七下如是犯在減輕已前依例減等決遣外據徐阿馮罪犯既將伊男徐實科斷量擬免罪已追到官財錢并酌謝等物俱各沒官相應得此都省准擬咨請依上施行

祖母喪七拜靈成親離異至治元年六月 日江浙行省

准 中書省咨來咨平江路備常熟州申王興告錢璋居
母之喪與男錢安一婚娶陸壽八娘拜成成親取訖錢璋
招伏本路推官審斷三十七下本省看詳錢璋所招詞因
在官詐稱母死告假還鄉其病危議論迎娶陸壽八娘與
男錢安一成婚未曾過門其母霍氏身死停屍忘哀直至
娶婦成婚會親設了宴畢才方拜靈成服又錢安一即係
霍氏嫡孫禮有期服若依所稟離異緣子女各從父母之
命欲准已婚為定事干通例咨請照詳准此送據刑部呈
檢會到大德十年八月張德清告王斷祖停尸迎取馬大
姐全例奉此今奉前因本部約請到禮部尚書張中議一

同議得錢安一祖母喪亡不應拜靈成親然雖父命終是
忘哀作樂釋服從吉擬合比例斷令陸壽八娘離異歸宗
別行改嫁外據錢璋不應罪犯既已斷訖別無定奪如蒙
准呈移咨本省依上施行相應具呈照詳得此都省准擬
施行

不收繼

兄收弟妻斷離至治元年三月 日福建宣慰司奉 江
浙省劄付據得陰州申繆緊孫告房兄繆富六延祐三年
九月內身故延祐五年三月有一般房兄繆富二令房叔
繆貴三作媒說議已故房弟繆富六妻阿房繆富六妻阿

雇于當月十六日有謬富二違例服內收繼弟婦阿雇為妻等事取訖繆富二等招詞議擬罪名移咨中書省照詳延祐七年三月初七日回准中書省咨送刑部呈照得至大元年閏十一月內承奉中書省判送省委官呈拯治盜賊至上都路死央泊巡檢司本處劉令史告監納接續弟妻等事責得劉監納名君祥狀招大德十年七月內有叔伯兄劉大身故拋下嫂劉阿王并姪男寶奴不蘭奚各年三十五歲有叔伯弟劉三將嫂劉阿王接續了當大德十年七月內劉三病故大德十一年七月內有伯娘劉阿牛為姪男寶奴等年幼無人養濟告蒙本官昔寶赤合喇

哈孫與住右丞等官省會劉君祥既是劉大親兄弟它則是阿嫂交它受了者以此受續為妻是實得此責得主婚人劉阿牛并劉阿王所招與劉君祥相同今來看詳劉君祥接續劉阿王事理額便斷離見得招召他人定是妻子失散今已親姪劉阿牛年今七十有三孫男幼小無人養濟告蒙官司許接續不曾斷訖如此體例乞照詳奉都堂鈞旨送禮部照擬連呈奉此檢照得至元十四年八月二十一日刑部准禮部關段集秀告張義收弟妻例今承見奉本部議得劉君祥劉阿王擬依前例杖斷離異主婚伯母阿牛年既七十二歲依例罰續相應呈奉省劄照得劉

君祥所招不應收繼弟妻罪經釋免依准離異仰照驗施行奉此本部議得上項事理除主婚人繆勝八并說合一干人等既已斷訖別無定奪今將正犯人繆富二等罪名議擬開呈照詳都省准擬咨請照驗施行

正犯人

一名繆富二所招因伯母繆阿包將伊過房為男不合將故房弟繆富六妻阿雇服內收繼為妻雖係尊長所命緣兄納弟妻大傷風化擬合比例杖斷一百七下離異依舊侍養繆阿包相應
一名繆阿雇所招不合聽受始命與房伯繆富二服

內違法成親罪犯擬合比例杖斷九十七下離異所生女子隨母歸宗相應

元告人繆阿賢所招除告實外不合隱下當時同坐飲酒明見繆富三合親及書寫過房文約畫字事情出首不實罪犯終是重事告實厚情擬免合依行省所擬免罪相應

主婚人繆阿包所招不合與房叔繆勝八一同主婚令已故男繆富六妻阿雇與過房到姪男繆富二為妻即係本婦房伯服內違法成親罪犯比例決五十七下合准行省所擬相應

錢債
私債

軍官多取軍人息錢
治二年抄到大德十年八月中書
刑部奉 中書省劄付本部元呈奉省判御史臺呈江南
行臺咨福建道廉訪司申泉州左副奕政撫謝張告本奕
副萬戶赤干影占正軍違例出放錢債多取利息等事本
部議得萬戶赤干于大德六年六月將鈔四定借與泉州
住坐軍人扎也莫元等六名每名實與鈔三十四兩三錢
一紙文書放令各人在家買賣逐月供送柴炭等物又將
鈔一十定借與軍人陳廣賂寫作一十五定文字加倍取

息本利通該鈔三十八定一十三兩九錢五分既已追納合依廉訪司所擬沒官本管所犯即係不應既遇釋免如今本管依舊勾當標附相應今來本部再行議得赤干所犯擬將本利鈔定沒官外據元招情罪欽遇原免本管職役從樞密院別行遷調相應具呈照詳都省議得萬戶赤干所招罪犯欽遇

詔赦原免本官職役合准刑部先擬依舊勾當標附余准所擬除外仰施行

又至治元年三月

日御史臺承奉

中書省劄付刑部

呈奉省判詹事院據左衛率府呈軍人張林狀告憑本奕

鞠令史于彈壓作保寫立文字于本管百戶孛蘭奚處借到行利錢中統鈔一百兩三次番作一十七定一十兩勒令林還訖又馮小三狀告令軍人小黃作保于孛蘭奚百戶處二次借到中統鈔五定本利該鈔一十定孛蘭奚百戶令伊男課廝前來本家索訖馬一疋折鈔七定綾二疋折鈔二定又鈔一定計還訖一十定元立文字不官分付延祐六年正月內本官又行勒令小三還訖鈔二十定又要訖鈔二定絹子一疋不將元立文字分付責得孛蘭奚招伏是實得此具呈照詳本院議得百戶孛蘭奚不修軍政惟務貪婪一年之間違例三次倒契逼勒軍人多取本

息 革遇釋免革後不改前過止依虛契多追利息若依
左衛率府所擬斷罪標附過名依舊勾當切恐挾恨生事
蠹害軍人事有未便擬將本官斷決三十七下解見任別
行求仕已追鈔定依例沒官干連軍司鞠諒不應罪犯皆
決一十七下緣係為例事理宜從合干部分定擬具呈照
詳送刑部議得百戶李蘭奚所招不合違例三次倒換本
管軍人張林等借錢文契多取利息革後不行追改依前
多追利錢入已罪犯比例萬戶赤干例見前量擬三十七
下依舊勾當標附私罪過名外據多取本息錢鈔并軍司
鞠諒不應罪犯依准詹事院所擬相應得此都省議得百

戶李蘭奚所犯若准依舊勾當恐致生事擾害軍人擬合
迴避本奕余准部擬除外合下仰照驗施行今據見呈本
部議得百戶李蘭奚所招不合違例倒換本管軍人張林
等借錢文契革後不行追改依前多取利錢入已罪遇釋
免若擬迴避本奕定論終非因事受財侶涉太重合依本
部元擬比例依舊勾當標附私罪過名本息依例沒官相
應具呈照詳得此都省除外仰依上施行

